

I ZZIPPULI

Oh, quanti zippuli 'ntra la padedha
L'anni passati pe' li cotràri,
quando la vita era cchiù bedha
senza sti gròmula, sti peni amàri!...

jeu mi ricordu ca la matina,
cu la prim'arba di la Vigiglia,
nc'era cungrèssu 'ntra la cucina
di tutta quanta la me' famigghia:

'Ntra nna pizzàrica, allevitàta,
stava la pasta cu 'ncurmatùra,
e, 'ntornu 'ntornu , affacendàta
girava Màmà comu 'na gnura,

Friniva l'ògghiu, zampurijava,
spandìa pe l'aria 'nu gratu odùri:
'ncenzu era e ccantu chi nci 'nchianava
A lu Bombinu nostru Signuri !...

E jeu attizzava sutta a lu focu
Pe' nommu perdi lu soi calori,
mentìa li zippuli d'ogni culùri ...

Ndi mentìa a nnaca, a torcigghiùni,
tundi , allongàti, a curudedha ...
e jeu guardava a 'nginocchiùni
chidhu meràculu 'ntra la padedha.

Li primi zippuli mi li mangiava
Cu sardi e ppipe pemmu coddiju,
e ppoi lu vinu si ndi calàva
a ccittu a ccittu senza mu viju...

E pecchè tandu comu lu mari
Era lu cori pe' caritati
Jia a li vicini e a li cummàri
De cca e dani cu li mandati.

Mò chi 'na sarda custa sei liri,
no sacciu quantu 'nu litru d'ogghiu,
se quattro zippuli ti voi frijiri
affrittu pòvaru si 'ntra nnu 'mbrogghiu...

Càttaru bumbi, ti scuncossàru...
Li rrè partìru, finìu la guerra,
mma tu no 'mbeccchi : resti cotràru
quando è Nnatàli supra a la terra!...

No ccerchi nenti, ma a la Vigiglia
Vorrissi ancora 'ntornu a lu focu
Mu vidhi allegra la to' famigghia...
Mu friji zippuli a ppocu a ppocu...

Francesco Laruffa

www.associazionelaruffa.org